



Kaunseling Remaja

Prof Madya Dr Sapora Sipon Menjawab

Jejaka sering dibayangi kisah silam kekasih

Soalan

SAYA minat seorang gadis dan selalu memerhatikannya. Selepas tiga tahun, tanpa diduga dia meluahkan perasaannya. Saya terkejut dan terus menerima tanpa berfikir panjang kerana sudah lama suka padanya.

Selama empat bulan menjadi kekasihnya, saya dapat tahu dia sudah tiada dara. Umurnya sekarang 16 tahun.

Saya bertanya mengapa memilih saya sebagai teman lelaki dan dia beritahu saya dapat membimbing dan menjaganya dengan baik.

Dia kata dia sangat menyayangi saya dan mengugut untuk mempermainkan lelaki lain jika saya meninggalkannya. Dia

percayakan saya dan sudah hilang kepercayaan kepada lelaki lain.

Apa harus saya lakukan? Saya serba salah setiap kali berjumpa dengannya kerana selalu terbayang kisah hitamnya. Untuk pengetahuan Dr, dulu dia tidak pernah solat, sekarang semakin rajin solat selepas saya paksa.

Adakah saya patut meninggalkannya kerana sering dibayangi peristiwa silamnya walaupun tahu dia sudah berubah?

Serba salah,
Terengganu

Jawapan

APABILA adik masih lagi membayangkan peristiwa

silam teman wanita, maknanya adik belum lagi menerima dia seadanya dan belum bersedia memaafkan kesilapannya.

Perasaan ragu-ragu boleh menghalang hubungan cinta dan jelas adik tidak bersedia membuka ruang hati serta memberi kemaafan sepenuhnya kepada teman wanita.

Mengugut untuk mempermainkan lelaki lain jika adik meninggalkannya hanya meninggalkan kesan mengelirukan di pihak adik dan perlu bertegas memberitahunya cinta datang tanpa dipaksa.

Bimbangan yang adik berikan hingga teman wanita berubah adalah sesuatu yang positif. Teruskan bimbangan baik

ini. Bagaimanapun, dalam menunaikan amaj ibadah, ia dilakukan untuk Allah SWT, bukan kekasih.

Memandangkan teman wanita mempunyai kepercayaan penuh kepada adik, bantu dia untuk mengubah pemikiran bahawa selain adik, lelaki lain juga boleh dipercayai.

Jika dia terus berpegang pada anggapan hanya adik seorang saja lelaki yang boleh dipercayai, dia pastinya terus bergantung pada adik.

Mengubah pemikiran tidak rasionalnya akan dapat membuatkan teman wanita mencari pengganti adik sekiranya hubungan kalian berdua terputus di tengah jalan.